

四庫全書

子部

欽定四庫全書

子部

農政全書卷五十三

詳校官中書臣寶汝翼

編修臣倉聖脈覆勘

總校官進士臣朱 鈐

校對官中書臣高 中

謄錄監生臣施 華

繪圖監生臣寶光國

欽定四庫全書

農政全書卷五十三


荒政

救荒本草

草部

根葉可食

三
草
奈



明


徐光啟

撰

草三柰 生密縣梁家衝山谷中苗高一尺許葉似蓂
草而狹長開小淡紅花根似雞爪形而麓亦香其味甘
微辛

救飢 採根換水煮食近根嫩白新葉亦可燂食

黃 精 苗




黃精苗 俗名筆管菜一名重樓一名菟竹一名雞格
一名救窮一名鹿竹一名萎蕤一名仙人餘糧一名垂
珠一名馬箭一名白及生山谷南北皆有之嵩山茅山
者佳根生肥地者大如拳薄地者猶如拇指葉似竹葉
或二葉或三葉或四五葉俱皆對節而生味甘性平無
毒又云莖光滑者謂之太陽之草名曰黃精食之可以
長生其葉不對節莖葉毛鈎子者謂之太陰之草名曰
鈎吻食之入口立死又云莖不紫花不黃為異

救飢

採嫩葉燂熟換水浸去苦味淘淨油鹽調食
山中人採根九蒸九暴食甚甘美其蒸暴用
瓮去底安釜上裝滿黃精密蓋蒸之令氣溜
即暴之如此九蒸九暴令極熟不熟則刺人
喉咽久食長生辟穀其生者若初服只可一
寸半漸漸增之十日不食他食能長服之食
止三尺服三百日後盡見鬼神餌必升天又
云花實可食罕見難得

玄扈先生曰嘗過根本勝藥苗亦恒蔬

地黃苗




地黃苗 俗名婆婆嫻一名地髓一名芣一名芑生咸陽川澤今處處有之苗初搨地生葉如山白菜葉而毛澁葉面深青色又似芥菜葉而不花又北芥菜葉頗厚葉中攢莖上有細毛莖稍開筒子花紅黃色北人謂之牛嫻子花結實如小麥粒根長四五寸細如手指皮赤黃色味甘苦性寒無毒惡貝母畏無薊得麥門冬清酒良忌鐵器

救飢 採葉煮羹食或搗絞根汁搜麴作飢飢及冷

淘食之或取根浸洗淨九蒸九暴任意服食
或煎以為煎食久服輕身不老變白延年


牛 旁 子



牛旁子 本草名惡實未去名鼠粘子俗名夜叉頭
根謂之牛菜生魯平山澤今處處有之苗高二三尺葉
如芋葉長大而蒞花淡紫色實似葡萄而褐色外殼如
粟棘而小多刺鼠過之則綴惹不可脫故名殼中有子
如半粒麥而匾小根長尺餘麓如拇指其色灰黦味辛
性平一云味甘無毒

救飢 採葉燂熟水浸去邪氣淘洗淨油鹽調食及
取根洗淨煮熟食之久食甚益人身輕耐老

遠志




遠志 一名棘蕲一名蔓繞一名細草生太山及冤句
川谷河陝商齊泗州亦有俗傳夷門遠志最佳今密縣
梁家衝山谷間多有之苗名小草葉似石竹子葉又極
細開小紫花亦有開小紅白花者根黃色形如蒿根長
及一尺許亦有根黑色者根葉俱味苦性溫無毒得茯苓
冬葵子龍骨食殺天雄附子毒畏珍珠藜蘆蜚蠊齊
蛤蟻螬

救飢 採嫩苗葉煤熟換水浸去苦味淘淨油鹽調

食及掘取根換水煮浸淘去苦味去心再換
水煮極熟食之不去心令人心悶

杏葉沙參



杏葉沙參 一名白麴根生密縣山野中苗高二三尺
莖色青白葉似杏葉而小邊有叉牙又似小小萊葉微
尖而背白稍間開五瓣白碗子花根形如野胡蘿蔔頗
肥皮色灰黯中間白色味甜性微寒本草有沙參苗葉
根莖其說與此形狀皆不同未敢併入條下乃另開于
此其杏葉沙參又有開碧色花者

救飢 採苗葉燂熟水浸淘淨油鹽調食掘根換水
煮食亦佳


藤 長 苗



藤長苗 又名旋菜生密縣山坡中拖蔓而生苗長三四尺餘莖有細毛葉似滴滴金葉而窄小頭頗齊開五瓣粉紅大花根似打碗花根根葉皆味甜

救飢 採嫩苗葉焯熟水浸淘淨油鹽調食掘根換水煮熟亦可食

牛 皮 消



牛皮消 生密縣野中拖蔓而生藤蔓長四五尺葉似馬兜鈴葉寬大面薄又似何首烏葉亦寬大開白花結小角兒根類葛根而細小皮黑肉白味苦

救飢 採葉燂熟水浸去苦味油鹽調食及取根去黑皮切作片換水煮去苦味淘洗淨再以水煮極熟食之

草 菹



菹草

上音
鮮


即水藻也生陂塘及水泊中莖如麤線長

三四尺葉形似柳葉面狹長故名柳葉菹又有葉似蓬
子葉者根麤如釵股而色白味微鹹性微寒

救飢 撈取葉連嫩根揀擇洗淘潔淨剉碎燂熟油

鹽調食或加少米煮粥食尤佳


水 豆 兒



水豆兒 一名葳菜生陂塘水澤中其莖葉比菹草又細狀類細線連綿不絕根如釵股而色白根下有豆如退皮菡豆瓣味甘

救飢 採秧及根豆擇沈潔淨煮食生醃食亦可

水 葱



水蔥 生水邊及淺水中科苗彷彿類家蔥而極細長
稍頭結莖莢彷彿類蔥莖莢而小開豔白花其根類蔥
根皮色紫黑根苗俱味甘微鹹

救飢 採嫩苗連根揀擇洗淨燂熟水浸淘淨油鹽
調食

蒲 笋




蒲筍 本草名其苗為香蒲即甘蒲也一名睢一名醮
俚俗名此蒲為香蒲謂菖蒲為臭蒲其香蒲水邊處處
有之根比菖蒲根極肥大而少節其葉初未出水時葉
莖紅白色採以為筍後攢梗於叢葉中花抱梗端如武
士棒杵故俚俗謂蒲棒蒲黃即花中藥屑也細若金粉
當欲開時有便取之市廛間亦採以蜜搜作果食貨賣
甚益小兒味甘性平無毒

救飢 採近根白筍棟剝洗淨燂熟油鹽調食蒸食

亦可採根刮去麁皴晒乾磨麪打餅蒸食皆可

蘆 笋




蘆筍 其苗名葦子草本草有蘆根爾雅謂之葭葦生
下隰陂澤中其狀都似竹但差小而葉抱莖生無枝又
花白作穗如茅花根如竹根亦差小而節疎露出浮水
者不堪用味甘一云辛性寒

救飢 採嫩筍燂熟油鹽調食其根甘甜亦可生晒
食之

玄扈先生曰嘗過根本勝藥北方亦作果食其筍則
北方者可食南產不可食

茅 芽 根



茅芽根 本草名茅根一名蘭根一名茹根一名地管
一名地筋一名兼杜又名白茅管其芽一名茅針生楚
地山谷今田野處處有之春初生苗布地如針夏生白
花茸茸然至秋而枯其根至潔白亦甚甘美根性寒茅
針性平花性溫俱味甘無毒

救飢 採嫩芽剥取嫩穰食甚益小兒及取根晒食
甜味久服利人服食此可斷穀

玄扈先生曰嘗過

葛 根



葛根 一名雞齊根 一名鹿藿 一名黃斤 生汶山川谷及成州海州浙江并澧鼎之間今處處有之苗引藤蔓長二三丈莖淡紫色葉頗似楸葉而小色青開花似豌豆花粉紫色結實如皂莢而小根形如手臂味甘性平無毒一云性冷殺野葛巴豆百藥毒

救飢 掘取根入土深者水浸洗淨蒸食之或以水中揉出粉澄濾成塊蒸煮皆可食及採花晒干燂食亦可

玄扈先生曰嘗過

欽定四庫全書

農政全書
卷五十三

何首烏



何首烏 一名野苗 一名交藤 一名夜合 一名地精 一名陳知白 又名桃柳藤 亦名九真藤 出順州南河縣其嶺外江南諸州及虔州皆有 以西洛嵩山歸德柘城縣者為勝 今鈞州密縣山谷中亦有之 蔓延而生 莖蔓紫色 葉似山藥葉 而不光嫩 葉間開黃白花 葛勒花結子 有稜似蕎麥 而極細小 如粟粒 大根大者如拳 各有五楞瓣 狀似甜瓜 樣中有花紋 形如鳥獸 山嶽之狀者 極珍 有赤白二種 赤者雄 白者雌 又云雄者苗葉黃白 雌

者赤黃色一云雄苗赤生必相對遠不過三四尺夜則
苗蔓相交或隱化不見凡修合藥須雌雄相合服有驗
宜偶日服二四六八日是也其藥本無名因何首烏見
藤夜交採服有功因以採人為名耳又云仙草其為五
十年者如拳大號山奴服之一年髭髮烏黑百年如碗
大號山哥服之一年顏色紅悅百五十年如盆大號山
伯服之一年齒落重生二百年如斗栲栳大號山翁服
之一年顏如童子行及奔馬三百年如三斗栲栳大號

山精服之一年延齡純陽之體久服成地仙又云其頭九數者服之乃仙味苦澁性微溫無毒一云味甘茯苓為之使酒下最良忌鐵器猪羊血及猪肉無鱗魚與蘿蔔相惡若並食令人髭鬚早白腸風多熱

救飢

掘根洗去泥土以苦竹刀切作片米泔浸經

宿換水煮去苦味再以水淘洗淨或蒸或煮

食之花亦可燂食

玄扈先生曰嘗過根本勝藥不必救荒

瓜 樓 根



瓜樓根 俗名天花粉本草名栝樓實一名地樓一名
果羸一名天瓜一名澤姑一名黃瓜生弘農川谷及山
陰地今處處有之入土深者良生鹵地者有毒詩所謂
果蓏之實是也根亦名白藥大者細如手臂皮黃肉白
苗引藤蔓葉似甜瓜葉而作花又有細毛開花似葫蘆
花淡黃色實在花下大如拳生青熟黃根味苦性寒無
毒枸杞為之使惡乾姜畏牛膝乾漆反烏頭

救飢 採根削皮至白處寸斷之水浸一日一次換

水浸經四五日取出爛搗研和絹袋盛之澄
濾令極細如粉或將根晒乾搗為麴水浸澄
悉二十餘遍使極膩如粉或為蒸餅或作煎
餅切細麴皆可食採枯樓穰煮粥食極甘取
子炒乾搗爛用水熬油亦可

玄扈先生曰嘗過根本良藥

欽定四庫全書

卷五十三

磚子苗



磚子苗 一名關子苗生水邊苗似水葱而麓大內實
又似蒲葶稍開碎白花結穗似水莎草穗紫赤色其子
如黍粒大根似蒲根而堅實味甜子味亦甜

救飢 採子磨麵食及採根擇洗淨換水煮食或晒
乾磨為麵食亦可

菊花



菊花 一名節華一名日精一名女節一名女華一名
女莖一名更生一名周盈一名傳延年一名陰成生雍
州川澤及鄧衡齊州田野今處處有之味苦甘性平無
毒木枸杞桑根白皮為之使

救飢 取莖紫氣香而味甘者採葉燂食或作羹皆
可青莖而大氣味作蒿苦者不堪食名苦薺
其花亦可燂食或炒茶食

玄扈先生曰嘗過

金銀花




金銀花 本草名忍冬一名鷺鷥藤一名左纏藤一名金釵股又名老翁鬚亦名忍冬藤舊不載所出州土今輝縣山野中亦有之其藤凌冬不凋故名忍冬草附樹延蔓而生莖微紫色對節生葉葉似薜荔葉而青又似水茶舊葉頭微團而軟背頗溢又似黑豆葉而大開花五出微香蒂帶紅色花初開白色經一二日則色黃故名金銀花本草中不言善治癰疽發背近代名人用之奇効味甘性溫無毒

救飢 採花煤熟油鹽調食及採嫩葉換水煮熟浸
去邪味淘淨油鹽調食

玄扈先生曰嘗過花本勝藥

南 江 望



望江南 其花名茶花兒人家園圃中多種苗高二尺許莖微淡赤色葉似槐葉而肥大微尖又似胡蒼耳葉頗大及似皂角葉亦大開五瓣金黃花結角長三寸許葉味微苦

救飢 採嫩苗葉燂熟水浸淘去苦味油鹽調食花可炒食亦可燂食

玄扈先生曰嘗過或名槐豆或直稱決明

大 蓼



大蓼 生密縣梁家衝山谷中拖藤而生莖有線楞而頗硬對節分生莖又葉亦對生葉似山蓼葉微短拳曲節間開白花其葉味苦微辣

救飢 採葉煤熟換水浸去辣味作成黃色淘洗淨油鹽調食花亦可煤食

黑 三 棱




草部 莖可食

黑三稜 舊云河陝江淮荆襄間皆有之今鄭州賈峪
山澗水邊亦有苗高三四尺葉似菖蒲葉而厚大背皆
三稜劒脊葉中攢莖莖止結實攢為刺毬狀如楮桃樣
而三顆瓣甚多其顆瓣形似草決明子而大生則青熟
則紅黃色根狀如烏梅而頗大有鬚蔓延相連比京三
稜體微輕治療並同其莖味甜根味苦性平無毒

救飢 採嫩莖剥去麁皮燂熟油鹽調食

茳 絲 菜



苧絲菜 又名金蓮兒一名藕蔬菜水中拖蔓而生葉
似初生小荷葉近莖有極薺葉浮水上葉中攢莖上開
金黃花莖味甜

救飢 採嫩苗煤熟油鹽調食


水 慈 菰



水慈菰 俗名為剪刀草又名剪搭草生水中共莖面
竅背方背有線楞其葉三角似剪刀形葉中攢生莖又
稍間開三瓣白花黃心結青膏莢如青楮桃狀頗小根
類蔥根而麓大其味甜

救飢 採近根嫩笋莖燂熟油鹽調食

茭 笋



草部

笋及實皆可食

茭笋 本草有菰根又名菰蔣草江南人呼為茭草俗
又呼為茭白生江東池澤水中及岸際今在處水澤邊
皆有之苗高二三尺葉似蔗荻又似茅葉而長濶厚葉
間攢葶開花如葦結實青子根肥剥取嫩白笋可噉久
根盤厚生菌音窘細嫩葉可噉名菰菜三年已上心中生
葶如藕白軟中有黑脈甚堪噉名菰首味甘性大寒無
毒

救飢 採茭菰笋煤熟油鹽調食或採子舂為米合

粟煮粥食之甚濟飢

玄扈先生曰嘗過



農政全書卷五十三

欽定四庫全書

子部

農政全書卷五十四

詳校官中書_臣寶汝翼

編修_臣倉聖脈履勘

總校官進士_臣朱 鈐

校對官中書_臣高 中

謄錄監生_臣施 華

繪圖監生_臣寶光國



欽定四庫全書

農政全書卷五十四

荒政採周惠王救荒本

木部葉可食

茶樹




明
徐光啓
撰

茶樹 本草有茗苦茶圖經云生山南漢中山谷閩浙
蜀荆江湖淮南山中皆有之惟建州北苑數處產者性
味獨與諸方不同今密縣梁家衝山谷間亦有之其樹
大小皆類梔子春初生芽為雀舌麥顆又有新芽一發
便長寸餘微麁如針漸至環脚軟枝條之類葉老則似
水茶白葉而長又似初生青岡橡葉而小光澤又云冬
生葉可作羹飲世呼早採者為搽晚取者為茗一名薈
蜀人謂之苦茶今通謂之茶茶聲近故呼之又有研

治作餅名為臘茶者皆味甘苦性微寒無毒如茱萸蔥
姜等良又別有一種蒸山中頂上清峯茶云春分前後
多聚人力候雷初發聲併手齊採若得四兩服之即為
地仙

救飢 採嫩葉或冬生葉可煮作羹食或蒸焙作
茶皆可


夜合樹



夜合樹 本草名合歡一名合昏生益州及雍洛山谷
今鈞州鄭州山野中亦有之木似梧桐其枝甚柔弱似
皂莢葉又似槐葉極細而密互相交結每一風來輒似
相解了不相牽綴其葉至暮而合故名合昏花發紅白
色瓣上若絲茸然散垂結實作莢子極薄細味甘性平
無毒

救飢 採嫩葉燂熟水浸淘淨油鹽調食晒乾燂
食尤好


木 槿 樹



木槿樹 本草云木槿如小葵花淡紅色五葉成一花
朝開暮斂花與枝兩用湖南北人家多種植為籬障亦
有千葉者人家園圃多栽種性平無毒菜味甘


救飢 採嫩葉焯熟冷水淘淨油鹽調食

白楊樹



白楊樹 本草白楊樹皮舊不載所出州土今處處有之此木高大皮白如楊故名葉圓如梨肥大而尖葉背甚白葉邊鋸齒狀葉蒂小無風自動也味苦性平無毒救飢 採嫩葉燥熟作成黃色換水淘去苦味洗淨油鹽調食

黃 櫨



黃櫨 生商洛山谷今鈞州鄭州山野中亦有之葉圓
木黃枝莖色紫赤葉似杏葉而圓大味苦性寒無毒木
可染黃

救飢 採嫩芽燂熟水淘去苦味油鹽調食

玄扈先生曰嘗過

椿 樹 芽



椿樹芽 本草有椿木樗木舊不載所出州土今處處有之二木形幹大抵相類椿木實而葉香可噉樗木疏而氣臭膳夫熬去其氣亦可噉北人呼樗為山椿江東人呼為虎目葉脫處有痕如樗蒲子又如眼目故得此名夏中生莢樗之有花者無莢有莢者無花莢常生臭樗上未見椿上有莢者然世俗不辨椿樗之異故俗名為椿莢其實樗莢耳其無花不實木大端直為椿有花而莢大小幹多迺矮者為樗椿味苦有毒樗味苦有小

毒性溫一云性開無毒

救飢 採嫩芽燂熟水浸淘淨油鹽調食

玄扈先生曰嘗過

樹 椒




椒樹 本草蜀椒一名南椒一名巴椒一名唐莢生山
都川谷及巴郡歸峽蜀川陝洛間人家園圃多種之高
四五尺似茱萸而小有針刺葉似刺蘼葉微小葉堅而
滑可煮食甚辛香結實無花但生於葉間如豆顆而圓
皮紫赤此椒江淮及北土皆有之莖皆相類但不及蜀
中者皮肉厚腹裏白氣味濃烈耳又云出金州西城者
佳味辛性溫大熱有小毒多食令人乏氣口閉者殺入
十月不食椒損氣傷心令人多忘杏仁為之使畏數冬

花

救飢

採嫩葉煤熟換水浸淘淨油鹽調食椒顆
調和百味香美


樹子棕



掠子樹 本草有掠子木舊不載所出州土今密縣山
野中亦有之其樹有大者木則堅重材堪為車輞初生
作科條狀類荊條對生枝叉葉似柿葉而薄小兩葉相
當對生開白花結子細圓如牛李子大如豌豆生青熟
黑味甘鹹性平無毒葉味苦

救飢 採葉燂熟水浸淘去苦味洗淨油鹽調食

雲葉



雲葉 生密縣山野中其樹枝葉皆類桑但其葉如雲
頭花叉又似木欒樹葉微濶開細青黃花其葉味微苦

救飢 採嫩葉蝶熟換水浸淘去苦味油鹽調食

或蒸晒作茶尤佳

黃 棟 樹



黃棟樹 生鄭州南山野中葉似初生椿樹葉而極小
又似棟葉色微帶黃開花紫赤色結子如豌豆大生青
熟亦紫赤色葉味苦

救飢 採嫩芽葉燂熟換水浸去苦味油鹽調食
蒸芽曝乾亦可作茶煮飲

凍青樹



凍青樹 生密縣山谷間樹高丈許枝葉似枸骨子樹而極茂盛凌冬不凋又似榧子樹葉而小亦似猗茅葉微窄頭頗圓而不尖開白花結子如豆粒大青黑色葉味苦

救飢 採芽葉燂熟水浸去苦味淘洗淨油鹽調

食

樹 芽 楫



緝芽樹 生輝縣山野中科條似槐條葉似冬青葉微
長開白花結青白子其葉味甜

救飢 採嫩葉燂熟水淘淨油鹽調食

月 芽 樹



月芽樹 又名莠芽生田野中莖似槐條莖似歪頭菜
葉微短稍硬又似耨芽葉頗長觔其葉兩兩對生味甘
微苦

救飢 採嫩葉燂熟水浸淘淨油鹽調食

女 兒 茶



女兒茶 一名牛李子一名牛筋子生田野中科條高五六尺葉似郁李子葉而長大稍尖葉色光滑又似白棠子葉而色微黃綠結子如豌豆大生則青熟則黑茶褐色其葉味淡微苦

救飢 採嫩葉燂熱水浸淘淨油鹽調食亦可蒸
曝作茶煮飲


省沽油



省沽油 又名玆珠花生釣州風谷頂山谷中科條似
荆條而圓對生枝叉葉亦對生葉亦驢駝布袋葉而大
又似葛藤葉却小每三葉攢生一處開白花似玆珠色
葉味甘苦性

救飢 採葉燂熟水浸淘淨油鹽調食


白 槿 樹



白槿樹 生密縣梁家衝山谷中樹高五七尺葉似茶
葉而甚濶大光潤又似初生青岡葉而無花又又似山
格刺樹葉亦大開白花其葉味苦

救飢 採葉燂熟水浸淘淨油鹽調食


回回醋



回回醋 一名淋樸椒生密縣韶華山山野中樹高丈餘葉似兜櫨樹葉而厚大邊有大鋸齒又似厚椿葉而亦大或三葉或五葉排生一莖開白花結子大如豌豆熟則紅紫色味酸葉味微酸

救飢 採葉燂熟水浸去酸味淘淨油鹽調食其子調和湯味如醋

槭 樹 芽




槭樹芽 生鈞州風谷頂山谷間木高一二丈其葉狀
類野葡萄葉五花尖叉亦似綿花葉而薄小又似絲瓜
葉却甚小而淡黃綠色開白花葉味甜

救飢 採葉燂熟以水浸作成黃色換水淘淨油

鹽調食


老 葉 兒 樹



老葉兒樹 生密縣山野中樹高六七尺葉似茶葉而
窄瘦尖觚又似李子葉而長其葉味甘微澁

救飢 採葉燂熟水浸去澁味淘洗油鹽調食


青 楊 樹



青楊樹 在處有之今密縣山野間亦多有其樹高大
葉似白楊樹葉而狹小色青皮亦頗青故名青楊其葉
味微苦

救飢 採葉燂熟水浸作成黃色換水淘洗油鹽
調食


龍 栢 芽



龍栢芽 出南陽府馬鞍山中此木久則亦大葉似初
生橡櫟小葉而短味微苦

救飢 採芽葉燂熟換水浸淘淨油鹽調食


兜 櫨 樹



梵樗樹 生密縣梁家衝山谷中樹甚高大其木枯朽
極透可作香焚俗名壤香葉似回回醋樹葉而薄窄又
似花楸樹葉却少花又葉皆對生味苦

救飢 採嫩芽葉燂熟水浸去苦味淘洗淨油鹽
調食

青岡樹



青岡樹 舊不載所出州土今處處有之其木大而結
橡斗者為橡櫟小而不結橡斗者為青岡其青岡樹枝
葉條幹皆類橡櫟但葉色頗青而少花又味苦性平無
毒

救飢 採嫩葉燂熟以水浸漬作成黃色換水淘
洗淨油鹽調食

檀 樹 芽



檀樹芽 生密縣山野中樹高一二丈葉似槐葉而長
大開淡粉紫花葉味苦

救飢 採嫩芽葉燂熟換水浸去苦味淘洗淨油

鹽調食


山 茶 科



山茶科 生中年土山田野中科條高四五尺枝梗灰
白色葉似皂莢葉而團又似槐葉亦團四五葉攢生一
處葉甚稠密味苦

救飢 採嫩葉焯熟水淘洗淨油鹽調食亦可蒸
晒乾做茶煮飲


葛 木



木葛 生新鄭縣山野中樹高丈餘枝似杏枝葉似杏
葉而團又似葛根葉而小味微甜

救飢 採葉燂熟水浸淘淨油鹽調食

花 楸 樹




花楸樹 生密縣山野中其樹高大葉似回回醋葉微薄又似兜櫨樹葉邊有鋸齒又其葉味苦

救飢 採嫩芽葉燂熟換水浸去苦味淘洗淨油

鹽調食


白 辛 樹



白辛樹 生滎陽塔兒山崗野間樹高丈許葉似青檀
樹葉頗長而薄色微淡綠又似月芽樹葉而大色亦差
淡其葉味甘微澁

救飢 採葉燂熟水浸淘去澁味油鹽調食


木 藥 樹



木欒樹 生密縣山谷中樹高丈餘葉似楝葉而寬大
稍薄開淡黃花結薄殼中有子大如豌豆烏黑色人多
摘取串作數珠葉味淡甜

救飢 採嫩芽葉燂熟換水浸淘淨油鹽調食

烏 棱 樹




烏桕樹 生密縣梁家衝山谷中樹高丈餘葉似省沽
油樹葉而背白又似老婆布韌葉微小而梢開白花結
子如梧桐子大生青熟則烏黑其葉味苦

救飢 採葉燂熟換水浸去苦味作過淘洗淨油

鹽調食


刺楸樹



刺楸樹 生宓縣山谷中其樹高大皮色蒼白上有黃
白斑 枝梗間多有大刺葉似楸葉而薄味甘

救飢 採嫩芽葉燂熟水浸淘洗淨油鹽調食


黃 絲 藤



黃絲藤 生輝縣太行山山谷中條類葛條葉似山格
刺葉而小又似婆婆枕頭葉頗硬背微白邊有細鋸齒
味甜

救飢 採葉燂熟水浸淘淨油鹽調食

山 格 刺 樹



山格刺樹 生密縣韶華山山野中作科條生葉似白
槿樹葉頗短而尖梢又似茶樹葉而濶大及似老婆布
黏葉亦大味甘

救飢 採葉燂熟水浸作成黃色淘洗淨油鹽調
食

樹 筴



莛樹 生輝縣太行山山谷中其樹高丈餘葉似槐葉而大却頗軟薄又似檀樹葉而薄小開淡紅色花結子如菡豆大熟則黃茶褐色其葉味甜

救飢 採葉燂熟水浸淘淨油鹽調食


報馬樹



報馬樹 生輝縣太行山山谷間枝條似桑條色葉似
青檀葉而大邊有花叉又似白辛葉頗大而長硬葉味
甜

救飢 採嫩葉燂熟水淘淨油鹽調食硬葉燂熟
水浸作成黃色淘去涎沫油鹽調食

椒 樹




椶樹 生輝縣太行山山谷間樹甚高大其木細膩可
為卓器枝叉對生葉似木槿葉而長大微薄色頗淡綠
皆作五花桮叉邊有鋸齒開黃花結子如豆粒大色青
白葉味苦

救飢 採嫩葉燂熟水浸去苦味淘洗淨油鹽調
食

臭


穉



臭穢 生密縣楊家衝山谷中科條高四五尺葉似柝
瓜葉而尖觚又似金銀花葉亦尖觚五葉攢生如一葉
開花白色其葉味甜

救飢 採葉燂熟水浸淘淨油鹽調食

堅 莢 樹



堅莢樹 生輝縣太行山山谷中其樹枝幹堅勁可以
作棒皮色烏黑對分枝叉葉亦對生葉似拐棗葉而大
微薄而色淡綠又似土欒樹葉極大而光潤開黃花結
小紅子其葉味苦

救飢 採嫩葉燂熟水浸去苦味淘油鹽調食


臭竹樹



臭竹樹 生輝縣太行山山野中樹甚高大葉似楸葉而厚頗腴却少花又似枴橐葉亦大其葉面青背白味甜

救飢 採葉燂熟水浸去邪臭氣味油鹽調食


馬魚兒條



馬魚兒條 俗名山皂角生荒野中葉似初生刺藤花
葉而小枝梗色紅有刺似棘針微小葉味甘微酸

救飢 採葉燂熟水浸淘淨油鹽調食

老 婆 布 鞋



老婆布鞋 生釣州風谷頂山野間科條淡蒼黃色葉
似匙頭樣色嫩綠而光俊又似山格刺葉却小味甘性

關

救飢 採葉燂熟水浸作過淘淨油鹽調食

農政全書卷五十四